

Donostia, 2017ko urriaren 6a

IDAZKARITZA NAGUSIARI

OSASUNAREN PREBENTZIOARI BURUZKO MOZIO ARRUNTA ALTZAKO AMIANTOAREN INGURUAN

Irabazi Donostia taldearen bozeramaile Amaia Martin Garinek, Udalbatzaren Araudi Organikoaren 98. artikulua oinarri, Altzako amiantoaren inguruan osasunaren prebentzioari buruzko MOZIO hau aurkeztu nahi du, UDALBATZAN azter dadin.

JUSTIFIKAZIOA

Altzako kiroldegi berriaren proiektua gelditu egin da amianto kutsadura aurkitu delako eraiki behar ziren gunetako batzuetan. Hasieran, amianto hiru gunetan detektatu zela jakinarazi zen, maila desberdinetan. Gerora, jakin dugu Oletako Haur eta Lehen Hezkuntzako Ikastetxeko gunen lorategidun batzuk ere hesitu direla, bai eta inguruko baratze komunitarioetako batzuk ere.

Une honetan, garbi dago denbora luzez neska-mutilak nahiz baratzeen erabiltzaileak amiantoz kutsatutako eremuetan egon direla. Horrek, berez, ez du zertan haien guztien osasunean eragin, baina arrisku bat badago. Gure ustez erantzukizun publikoa da amiantoaren esposiziopean egon diren pertsonen osasun arretaz arduratzea, bereziki kontuan hartuta haietako batzuk adingabeak direla eta gai horren kutsadurak eragiten dituen gaixotasunak oso larriak direla eta hainbat urte behar dituztela azaleratzeko.

Hain zuzen ere, Oleta ikastetxeko gunen lorategidun batean amiantoaren presentzia aztertu zuen 2017ko abuztuko ikerketan –Eusko Jaurlaritzak enkargatua– honako hau esaten da 15. orrialdean:

“Bestalde, erreferentziako balio gisa erabiltzen den estandar holandarretik gorako amianto kontzentrazioak detektatu dira lurraren gainazaleko geruzan, eta, horrenbestez, kontuan izanda,

gainera, bertan material hauskorra dagoela eta landare estalkirik ez dagoela, ezin da baztertu osasunerako arriskuren bat egotea”.

Era berean, Altza auzoko amianto kutsadurarekin lotutako gaixotasunen inguruan Udaltzarak Eusko Jaurlaritzari eskatutako txostenaren ondorioetan esaten da auzoan gaixotasunek eragin handirik izan ez badute ere, “mesoteliomaren, biriketako minbiziaren, eta asbestosiaren garapenaren latentzia periodoak direla eta, beharrezkoa dela potentzialki amiantoaren esposiziopean egon diren biztanleen behaketa egiten jarraitzea”.

Udalbatza honek amianto kutsadurak pertsonen osasunean izan dezakeen ondorioen inguruan duen kezka 2016ko azaroan aho batez onartutako mozioaren 1. eta 2. puntuetan ere jaso zen, baina orduan oraindik ez genuen kutsaduraren norainokoaren berri. Gure iritziz, 2016an, orduan eskura genuen informazioarekin, Udaltzarak beharrezkotzat jo bazuen kiroldegian lan egin zuten pertsonen osasuna babestea, orain, beste datu berri garrantzitsu batzuk ditugunean, beharrezkoa da planteamendu osoagoa egitea, etorkizunean sor litezkeen osasun arazoei aurrea hartzeko.

Beraz, uste dugu nahikoa arrazoi badagoela, prebentzio neurri gisa, Oleta ikastetxeko adingabeen eta baratzeen erabiltzaileen nahiz amiantoz kutsatutako eremuarekin zuzeneko kontaktua izan bide duten pertsonen osasunaren aldizkako jarraipena egiteko, betiere halakorik nahi badute, eta uste dugu, halaber, zeregin hori Osakidetzak egin beharko lukeela.

Hori guztia dela eta, honako hau aurkezten dugu:

MOZIO ARRUNTA

1. Donostiako Udaltzako Eusko Jaurlaritzari eskatzen dio Osakidetzaren bitartez aldizkako azterketak egin diezazkietela Altzan amiantoz kutsatutako eremuekin kontaktuan egon bide diren eta hala eskatzen duten pertsona guztiei, garaiz detektatu ahal izateko amianto kutsadurak haien osasunean sor lezakeen edozein gorabehera.

Sin.: Amaia Martin Garin,

Irabazi Donostia udal taldearen bozeramailea.